

中西醫學群書

金匱鉤玄卷中

丹溪朱震亨原文

皖南建德後學周學海評註

門人戴元禮錄補

心痛

卽胃脘痛

心痛雖日數多。不喫飲食不死。若痛方止。便喫。還痛。必須三五服藥後。方可喫物。

大凡心膈之痛。須分新久。若明知身受寒氣。口食寒物。而病於初得之時。當以溫散。或溫利之藥。若曰病得之稍久。則成鬱矣。鬱則蒸熱。熱則久必生火。原病式中備言之矣。若欲行溫散。寧無助火添病耶。由是古方中。多以山梔爲熱藥之向導。則邪伏而病易退。正

金匱要略卷中
易復而病易安。雖然病安之後。若縱恣口味不改前非。病復作時。必難治也。

山梔炒去皮。每十五箇。濃煎湯一呷。入生薑汁令辣。再煎小沸服。或入芎一錢尤妙。山梔大者。用七箇或九箇。大概胃口有熱而作痛。非山梔子不可。佐以薑汁。或半夏橘紅各五。黃芩三。甘草一。

用二陳湯加蒼芎。倍加炒梔。痛甚者加炒乾薑送之。反治之法。心痛輕者散之。麻黃桂枝。重者加石鱗川芎。蒼朮。梔子必炒。去皮用。作丸服之。

凡治病。必須先問平日起居如何。假如心痛。有因平日喜食熱物。以致死血流於胃。口作痛。用桃仁承氣下。

之。切記。輕者用韭汁。桔梗能開提氣血。藥中兼用之。以物拄按痛則止者。挾虛也。以二陳湯加炒乾薑和之。有蟲痛者。面上白斑唇紅能食。屬蟲治。苦練根錫灰之類。脈堅實不大便者。下之。

痛甚者。脈必伏。多用溫藥。不用參朮。可用附子。

諸痛不可用補氣藥。

客寒犯胃。草豆蔻丸用之。熱亦可用。止用一二服。

草豆蔻 一錢四分裏 燒熱去皮 吳茱萸 湯泡洗去 梗焙碎

益智仁 白殭蠶 橘皮

人參 黃芪 已上各 八分 生甘草

歸身 炙甘草 桂皮 各六分

麴末

薑黃

各四分

桃仁

七粒
去皮

半夏

洗一錢

麥蘖

炒黃一錢半

澤瀉

一錢小便多減半用之

柴胡

四分詳膈下痛多爲用之

右一十八味除桃仁另研如泥外餘極細末同桃仁研勻用湯泡蒸餅爲丸如桐子大每服三十九食遠用熱白湯送下旋斟酌多少用之

又方用黃荊子炒焦爲末米飲調服亦治白帶

又方脾痛用海蛤粉佐以香附末用川芎山梔生薑煎辣湯調服爲佳

又方單用牡蠣粉酒調下一二錢氣實不可用

按胃痛一證據予所見數人皆是胃口有死血所致

其證舌色常黑大便燥結甚有常吐一兩口血者脈必弦硬或伏匿也溫散只治偶然暴痛而已

腰痛

濕熱

腎虛

瘀血

濕熱腰疼者遇天陰或坐久而發者是腎虛者疼之不已者是也瘀血者日輕夜重是也

脈大者腎虛用杜仲龜板黃柏知母枸杞五味之類用猪脊髓丸

脈澁者瘀血用補陰丸中加桃仁紅花

濕熱者用蒼朮杜仲黃柏川芎

痰者用南星

凡諸痛皆屬火。寒涼藥不可峻用。必用溫散之藥。諸病不可用人參。蓋人參補氣。氣旺不通而痛愈甚矣。臍下忽大痛者。人中如黑色者。多死難治也。人面上忽有紅點者。多死。

脇痛

肝火盛。木氣實。有死血。肝急。有痰流注。

木氣實。川芎。蒼朮。青皮。當歸。

龍薈丸。瀉火要藥。

死血。桃仁。紅花。川芎。

痰流注。二陳湯加。南星。蒼朮。川芎。

肝苦急。急食辛以散之。用撫芎。蒼朮。血病入血藥中行。

血脇痛甚者。用薑汁下龍會丸。肝火盛故也。

咳嗽脇痛。二陳湯加南星。多香附。青黛。青皮。薑汁。

腹痛

有寒。積熱。死血。食積。濕痰。

戴云。寒痛者。綿綿痛而無增減者是。時痛時止者是。熱也。死血痛者。每痛有處。不行移者是也。食積者。甚欲大便利。後痛減者是。濕痰者。凡痛必小便不利。

脈弦强者。食。脈滑者。痰。

溼痰多作腹痛。用芎藭。蒼朮。香附。白芷。生薑汁入湯服。腹中水鳴。乃火擊動其水也。二陳湯加黃芩。黃連。梔子。

凡心腹痛必用溫散。此是鬱結不散。阻氣不運。故病在下者。多屬食。宜溫散之。

一老人腹痛。年高不榮下者。用

川芎

蒼朮

香附

白芷

乾薑

茯苓

滑石

按腹痛在臍下者。有燥屎結於大腸。凡春末秋初。天氣燥熱日久。每多病此。與食積治法不同。宜黨參沙參樓根白芍。補肺涼肝。生津潤腸。此雖暫痛。而情甚急。前人未嘗議及。近醫竟有誤治殺人者。予親歷治驗。故補著之。

痛風

四肢百節走痛

風熱

風溫

血虛

大法主方

蒼朮 南星 川芎 白芷 當歸 酒黃芩

在上者加羌活 桂枝 桔梗 威靈仙

在下者加牛膝 防己 木通 黃柏

血虛者多用川芎 當歸 佐以桃仁 紅花

薄桂治痛風無味而薄者獨此能橫行手臂領南星蒼

朮等治之

上中下痛風方

威靈 三錢 南星 二兩

苔芎 一兩

桃仁 五錢 白芷 五錢

桂枝 三錢

防己 半錢 蒼朮 二兩

黃柏 酒浸炒 二兩

紅花一錢半

羌活三錢

神麴炒一兩

草龍胆五分

張子元氣血虛有痰濁陰火痛風

人參一兩

白朮二兩

黃柏二兩炒黑色

山藥一兩

海石一兩

瑣陽五錢

乾薑五錢燒灰

南星一兩

敗龜板二兩酒炙

熟地黃二兩

粥爲丸

治臂痛

半夏一錢

陳皮五分

茯苓五分

蒼朮一錢半

酒芩一錢

威靈仙三分

白朮一錢

甘草少許炒

南星一錢

香附 一錢

勞瘵

其主在乎陰虛 痰與血病。

青蒿一斗五升。童便三斗。文武火熬。約童便減二斗。去蒿。熬至一斗。入猪膽汁七箇。再熬數沸。甘草末收之。虛勞身瘦。屬火。因火燒爍。勞病。四物湯加人尿薑汁。

咳血

痰盛 身熱多是血虛。

戴云。咳血者。嗽出痰內有血者是。嘔血者。嘔全血者是。咯血者。每咯出血。皆是血疙瘩。衄血者。鼻中出血也。

金匱要略卷之六
溺血。小便出血也。下血者。大便出血也。雖有名色分
六。俱是熱證。俱有虛實新舊之不同。或妄言爲寒者
誤也。

青黛 訶子 山梔 海石 瓜蒌仁

右爲末。薑汁蜜調。噉丸。嗽甚者加杏仁。後以八物湯
加減調理。

身熱多是血虛。四物湯加減。

按癆瘵咳血。據所經治愈者。皆係寒濕深入血脈。瘀
痺所致。其先天不足。與後天戕賊成病者。百不一二。
張石頑醫通虛損門議論。最可玩味。

火載血上。錯經妄行。

脈大發熱。喉中痛者。是氣虛。用人參黃芪蜜炙黃栢荆芥。并當歸生地黃用之。

嘔血。用韭汁童便薑汁磨鬱金同飲之。其血自清。
火載血上。錯經妄行。四物湯加炒梔子童便薑汁。

山茶花童便薑汁酒調。

鬱金末。治吐血。入薑汁童便。

痰帶血絲出者。童便薑汁竹瀝。

又方。用韭汁童便二物相合。用鬱金細研。入在二物之內。同飲。其血自消。

又方。治衄血。以鬱金如無鬱金。山茶花代。薑汁童便和。

金匱要略卷中
好酒調服。卽止之。

按嘔血。傾盆盈盥。確是悍氣。篡入榮道。迫血妄行。非急施涼泄。不可。卽令因涼成瘀。後再化之。

咯血

薑汁童便青黛入血藥中用之。如四物湯地黃膏牛膝膏之類。

衄血

涼血行血爲主。犀角地黃湯入鬱金同用。經血逆行。或血腥。或唾血吐血。用韭葉汁立效。

溺血

屬熱

山梔子炒水煎服。或用小薊琥珀。
有血虛者。四物湯加牛膝膏。

按溺血如小便者。熱在胞中。溺血成塊成顆。卻又非
血淋者是。遠血也。出於小腸。審察色脈。決其所在而
治之。不得止清膀胱。

下血

不可純用寒涼藥。必於寒涼藥中用辛味。並溫。如酒浸
炒涼藥酒煮黃連之類。

有熱。四物湯加炒梔子升麻秦艽阿膠珠。
下血屬虛。當歸散。四物湯加泡乾薑升麻。
又方。用白芷五倍子丸。

金匱要略卷中
凡用血藥不可單行單止

有風邪下陷宜升提之。蓋風傷肝。肝生血故也。有溼傷血。宜行濕消熱可也。

內經謂身熱卽死。寒則生。此亦是大概言之。必兼證詳之。則可。今豈無身熱生。寒而死者。

脈沈小流連。或微者。易治。

脈浮大洪數者。難愈。宜滑。不宜弦。

仲景治痢。可溫者五法。可清者十法。或解表。或利小便。或待其自己。區分易治難治極密。但與瀉同立法。不分。學者當辨之。

大孔痛。一曰溫之一曰清之。